



Xana i xihatla xa yini, Dzuniso?



Bomikazi Njoloza



Kukulukuu! Ku ringa nkuku, wo pfluxa Dzuniso evurhongweni bya yena.

A ku ri mixo wa Ravuntlhanu, siku ro rhandzeka ra Dzuniso ra vhiki.

Mianakanyo ya yena a yi ri eka makungu ya yena ya nanhlikanhi.





U lo jitama emubedweni naswona katsongo a ti tshovile na hlakala ra yena.

A yimerile migingiriko na ntirho wa xikolo wa siku hi mahlo ngati. A nyanyukile swinene, a nga ti khomi.

Xana i xihatla xa yini, Dzuniso?



U lo ti cukumetela ebavhini ivi a hatla a hlamba!

U ti lulamiserile hi xihatla a ri karhi a ti lulamisela ku ya exikolweni.

Xana i xihatla xa yini, Dzuniso?





A famba hi ku hatlisa leswaku a ta va wo sungula ntila. U lave no phideka.

“Loko no hatlisa, hakunene na siku leri na rona ri ta hatlisa,” Dzuniso a anakanya, a ri karhi a ti tiyisisa.

Xana i xihatla xa yini, Dzuniso?



Etilasini, u hatlisile hi ntirho wa yena wa xikolo. A ri wo sungula ku heta Tinhlayo, hambileswi a nga endla swihoxo swin'wana. A lava leswaku siku ra xikolo ri hela hi xihatla. Xana i xihatla xa yini, Dzuniso?





Ekun heteleleni, xingelengele xo hetelela xa siku xi rilini.

Dzuniso u humile hi xihatla enyangweni, a lava no wa.

Xana i xihatla xa yini, Dzuniso?



Manana wa yena a famba hi ku nonoka a n'wi kongomile.

“Hatlisani, Manana, leswaku hi ta hatla hi fika!”

Manana wa yena a n'wi tshembisile ku n'wi yisa eka xihlambela ku ya khida na vamakwerhu wa yena.





U lo tlulela ehandle ivi a hatlisa.

Ku te loko movha yi ta yi ta yimelela hi le kusuhi na xihlambelo, Dzuniso a nga ha yima yimanga.

U petile nenge ku va a kambela matitimelelo ya mati.

Phyandla! U nghene kwale ndzeni.

Loko a ha ku endla tano, u twile leswi a swi twakala ingari i ku chanyiwa ka noti loko mati ya sungula ku tata tindleve ta yena.

A rhurhumela hi xirhami.

Nenge wa yena wu te mati ya kufumela kambe xifuva xa yena xi te mati ya titimela bya ayisi.



U tlhelerile emovheni a karhi a omile hi ku
titimela na ku ti twela vusiwana.

Mana wa yena u n'wi nyikile thawula
rintshwa, ro kufumela, ro olova ku va a ti
omisa hi rona.





U kokakokile milenge ya yena loko a fika ekaya, ivi a wela esofeni ivi a vhela a etlela.

Dzuniso a nga karhalisangi hi ku khida.
Yowee! A karhalise hi ku hatlisa eka xin'wana na xin'wana lexi a nga xi endla eka siku rero ivi a hetelela hikuva a nga swi hetu hinkwaswo ka swona.